



Broj: 05/7-50-13-218-39/18

Sarajevo, 17. 7. 2018.

Z A P I S N I K

39. sjednice Vijeća nacionalnih manjina BiH, održane 17. 7. 2018.

Sjednica Vijeća nacionalnih manjina BiH počela je u 11 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Tijana Vučurević, druga zamjenica predsjedavajućeg Vijeća nacionalnih manjina BiH, Jakob Finci, Marija Grbić, Dejan Piotrovski, Jovanka Manzalović-Šalaka, Dragan Marković, Velibor Kuvač, Todorka Jovanović, Vjeročka Gajić, Silvija Vujović, Nedžad Jusić, Davor Ebner i Mladen Radmilović.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice BiH, Sead Džemaili, predsjedavajući Vijeća nacionalnih manjina Unsko-sanskog kantona, Tomislav Durtka, predstavnik Ureda za nacionalne manjine općine Prnjavor, Zoran Brkić iz Sektora za odnose s javnošću Parlamentarne skupštine BiH, Aida Kreho, sekretar Zajedničke komisije za ljudska prava, Branislava Vignjević, stručna savjetnica, i Anđelka Dobrilović-Rajak, stručna saradnica u Zajedničkoj komisiji za ljudska prava.

Sjednici nisu prisustvovali: Hakan Varan, Halil Bicaaj i Eva Pašić-Juhas.

D N E V N I R E D

1. Usvajanje Zapisnika 38. sjednice Vijeća nacionalnih manjina BiH;
2. Razmatranje plana posjeta općinama i gradovima u Federaciji BiH, Republici Srpskoj i Brčko Distriktu;

3. Prijedlog zaključaka s tematske sjednice „Položaj Romkinja u Bosni i Hercegovini“, održane 4. juna 2018. godine;
4. Razno:
 - Informacija o odgovorima članova Vijeća na upitnik o potrebi izmjena Zakona o zaštiti prava pripadnika nacionalnih manjina BiH,
 - Informacija o zaključcima Vijeća nacionalnih manjina Republike Srpske u vezi s formiranjem Saveza nacionalnih manjina u BiH,
 - Informacija o radnom sastanku „Iskustva u radu i djelovanju vijeća nacionalnih manjina u BiH“, 17. 7. 2018.

Ad. 1. Usvajanje Zapisnika 38. sjednice Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Nedžad Jusić i Tihomir Knežiček.

Članovi Vijeća nacionalnih manjina su, s **13 glasova „za“ i jednim glasom „suzdržan“**, **usvojili** Zapisnik 38. sjednice uz korekciju u dijelu koji se odnosi na glasanje o dnevnom redu, a koji treba da glasi: „Članovi Vijeća nacionalnih manjina BiH nisu prihvatili prijedlog Velibora Kuvača, te su, sa osam **glasova „za“**, **četiri glasa „protiv“ i dva glasa „suzdržan“**, usvojili ranije predloženi dnevni red.“

Ad. 2. Razmatranje plana posjeta općinama i gradovima u Federaciji BiH, Republici Srpskoj i Brčko Distriktu

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Dragan Marković, Tihomir Knežiček, Andrija Svatok i Nedžad Jusić.

Vijeće nacionalnih manjina BiH **jednoglasno je** usvojilo prijedlog da član Vijeća Dragan Marković, prvi zamjenik predsjedavajućeg Vijeća nacionalnih manjina BiH Andrija Svatok i predsjedavajući Vijeća nacionalnih manjina BiH Tihomir Knežiček za narednu sjednicu Vijeća pripreme plan posjeta općinama i gradovima u Federaciji BiH, Republici Srpskoj i Brčko

Distriktu BiH kao i projekciju budžeta, te da prva planirana posjeta bude Uredu nacionalnih manjina u općini Prnjavor.

Ad. 3. Prijedlog zaključaka s tematske sjednice „Položaj Romkinja u Bosni i Hercegovini“, održane 4. juna 2018. godine

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Nedžad Jusić, Jakob Finci i Tihomir Knežiček.

Nakon rasprave, članovi Vijeće nacionalnih manjina BiH **jednoglasno su usvojili** prijedlog da se Zajedničkoj komisiji za ljudska prava Parlamentarne skupštine BiH uputi prijedlog dopune zaključka br. 3, koji je usvojen na tematskoj sjednici pod nazivom: „Položaj Romkinja u Bosni i Hercegovini“, održanoj 4. juna 2018. godine, a koji glasi:

„Potrebno je propisati jasne kriterije za izbor i imenovanje članova vijeća u skladu sa zakonodavnim okvirom te učiniti proces transparentnim i dostupnim. Ženska romska mreža i vijeća nacionalnih manjina na svim nivoima vlasti u narednom periodu trebaju uputiti prijedlog kriterija Zajedničkoj komisiji za ljudska prava Parlamentarne skupštine BiH, s ciljem izmjene Odluke o osnivanju Vijeća nacionalnih manjina BiH.“

Ad. 4. Razno:

- Informacija o odgovorima članova Vijeća na upitnik o potrebi izmjena Zakona o zaštiti prava pripadnika nacionalnih manjina BiH
- Informacija o zaključcima Vijeća nacionalnih manjina Republike Srpske u vezi s formiranjem Saveza nacionalnih manjina u BiH
- Informacija o radnom sastanku „Iskustva u radu i djelovanju vijeća nacionalnih manjina u BiH“, 17. 7. 2018.

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. Nije bilo rasprave o navedenoj tački dnevnog reda. Članovi Vijeća nacionalnih manjina BiH primili su k znanju navedene informacije.

Sjednica Vijeća nacionalnih manjina BiH završena je u 11.45 sati.

Sastavni dio Zapisnika je tonski snimak 39. sjednice Vijeća nacionalnih manjina BiH.

Predsjedavajući Vijeća nacionalnih manjina BiH

Prof. dr. Tihomir Knežiček